



UPRAVA POLICIJE

Broj: 05-04/06-11-775/26

Datum: 18.08.2026. godine

Na osnovu člana 64. stav (1) tačka a), člana 70. stavovi (1), (3) i (6) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-775/26 od 13.08.2026. godine, člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16, 16/17 i 8/24) te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), u postupku javne nabavke roba-pancirnih sigurnosnih prsluka, direktor Uprave policije MUP USK-a, d o n o s i :

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za javne nabavke broj: 05-04/01-1-11-775/26 od 13.08.2026. godine i ugovor za javnu nabavku pancirnih sigurnosnih prsluka za potrebe Uprave policije MUP-a USK-a dodjeljuje se ponuđaču „SHOT“ d.o.o. Zenica, za ponudenu ukupnu cijenu u iznosu od **149.999,00 KM** (stotinučetdesetdevethiljadadevetstodevedesetdevet i 00/100 konvertibilnih maraka) bez PDV-a, odnosno **175.498,83 KM** (stosedamdesetpethiljadačetiristotine devedesetosam i 83/100 konvertibilnih maraka) sa uračunatim PDV-om, na osnovu kriterija za dodjelu ugovora „ekonomski najpovoljnija ponuda“.

Član 2.

Izabrani ponuđač je dužan da ugovornom organu, u roku od 5 (pet) dana od dana prijema ove odluke, dostavi originale ili ovjerene kopije dokumenata iz člana 45. Zakona o javnim nabavkama BiH, ukoliko iste nije dostavio u sastavu svoje ponude. Obaveza iz stava (1) ovog člana ne odnosi se na dokumente koje je izabrani ponuđač već dostavio u originalu ili ovjerenoj kopiji u sastavu svoje ponude.

Član 3.

Ugovorni organ će sa izabranim ponuđačem zaključiti ugovor o javnoj nabavci, u skladu sa Zakonom o javnim nabavkama BiH, uslovima utvrđenim tenderskom dokumentacijom i prihvaćenom ponudom, nakon ispunjenja zakonom propisanih uslova za zaključivanje ugovora.

Član 4.

Za izvršenje ove odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije Ministarstva unutrašnjih poslova USK-a.

Član 5.

Ova odluka će biti objavljena na web-stranici Ugovornog organa www.mupusk.gov.ba uz istovremeno upućivanje svim ponuđačima koji su učestvovali u postupku javne nabavke elektronskim sredstvom, shodno članu 70. stav (2) i stav (6) Zakona o javnim nabavkama.

Obrazloženje

Postupak javne nabavke pokrenut je odlukom o pokretanju postupka javne nabavke broj: 05-04/06-11-775/26 od 13.04.2026. godine. Javna nabavka je provedena primjenom ograničenog postupka javne nabavke u skladu sa Zakonom o javnim nabavkama BiH ("Službeni glasnik BiH", br. 39/14, 59/22 i 50/24), podzakonskim i internim aktima. Procijenjena vrijednost javne nabavke bez uračunatog PDV-a je 150.000,00 KM. Obavještenje o nabavci broj: 20936-2-1-31-3-23/26 objavljeno je na portalu „E-nabavke“ dana 21.04.2026. godine.

Postupak javne nabavke proveden je u dvije faze, u skladu sa pravilima ograničenog postupka. U prvoj fazi izvršena je pretkvalifikacija kandidata, pri čemu su tri kandidata ocijenjena kvalifikovanim i pozvana da dostave ponude u drugoj fazi postupka.

Krajnji rok za prijem ponuda u II fazi ograničenog postupka nabavke robe bio je 16.07.2026. godine do 09:00 sati.

Komisija za javne nabavke Uprave policije MUP-a USK-a imenovana je Rješenjem broj: 05-04/04-2-11-1037/25 od 04.06.2025. godine, sa izmjenama i dopunama od 04.09.2025. godine i 18.11.2025. godine. Komisija za javne nabavke dostavila je Odsjeku za materijalno opremanje i komercijalne poslove Zapisnik sa otvaranja ponuda (II faza ograničenog postupka) od 16.07.2026. godine, Zapisnik o ocjeni ponuda broj: 05-04/01-1-11-775/26 od 16.07.2026. godine i Preporuku o izboru najpovoljnijeg ponuđača broj: 05-04/01-1-11-775/26 od 13.08.2026. godine, u predmetnom postupku javne nabavke.

U postupku po Zapisniku o ocjeni ponuda je utvrđeno da je Komisija za javne nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 (jedna) ponuda za II fazu ograničenog postupka;
- da je blagovremeno primljena 1 (jedna) ponuda u II fazi ograničenog postupka;
- da nije bilo neblagovremeno primljenih ponuda u II fazi ograničenog postupka;
- da je ponuda ponuđača: „SHOT“ D.O.O. Zenica prihvatljiva.

U drugoj fazi dostavljena je jedna ponuda, i to ponuda ponuđača „SHOT“ d.o.o. Zenica, koja je blagovremeno zaprimljena, pregledana i ocijenjena u skladu sa uslovima i kriterijima utvrđenim tenderskom dokumentacijom. Uvidom u dostavljenu ponudu ponuđača „SHOT“ d.o.o. Zenica, Komisija je konstatovala da ponuda ponuđača „SHOT“ d.o.o. Zenica ispunjava sve uslove koji su traženi tenderskom dokumentacijom.

Nakon provedenog pregleda i ocjene ponude, Komisija za javne nabavke sačinila je Preporuku o izboru najpovoljnijeg ponuđača i dostavila je ugovornom organu na dalje postupanje.

Način primjene metodologije dodjele bodova kriterija ekonomski najpovoljnija ponuda:

a) Cijena.....broj bodova 60

b) Rok isporuke robe.....broj bodova 25

c) Garantni rok.....broj bodova 15

Naziv/ime ponuđača	Potkriterij 1 – Cijena	Potkriterij 2 – Rok isporuke	Potkriterij 3 – Garantni rok
	Broj bodova	Broj bodova	Broj bodova
1. „SHOT“ d.o.o. Zenica	60,00	25,00	15,00

Rang lista ocijenjenih ponuda:

Naziv/ime ponuđača		Ukupan broj bodova
1.	„SHOT“ D.O.O. Zenica	100,00

Način primjene metodologije dodjele bodova i izvršeno bodovanje ponude ponuđača „SHOT“ d.o.o. Zenica detaljno su obrazloženi u Zapisniku o ocjeni ponuda broj: 05-04/01-1-11-775/26 od 16.07.2026. godine

Podaci o ponuđaču čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU	
Naziv ponuđača	„SHOT“ D.O.O.
Sjedište i adresa	Zmajevačka cesta broj 55 72000 Zenica
Ukupna cijena ponude bez PDV-a	149.999,00 KM
Ukupna cijena ponude sa PDV-om:	175.498,83 KM

U postupku donošenja ove odluke, posebno su cijanjene činjenice da je Komisija za javne nabavke Uprave policije MUP USK-a pravilno i potpuno izvršila ocjenu ponuda, u skladu sa uslovima i kriterijem iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka a), člana 26., te člana 70. stavovi (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) odlučeno je kao u dispozitivu ove Odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Kancelariji za razmatranje žalbi BiH putem Ugovornog organa u pisanoj formi, direktno, elektronskim putem ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču „SHOT“ D.O.O., putem e-maila: info@shot.ba,
2. Sektor za mat.-fin. poslove i IKT - za objavu,
3. a/a

Obrađivač: Danka Grubor

DIREKTOR
Generalni inspektor policije

Omer Tahirović